

itu ialah buah dari bakti. Firman Allah Ta'ālā:

*Wa man yattaqi Allāha yaj'al lahū makhrājā. Wa yarzuquhu min haythu*

*lā yahtasib* (2-3, al-Ṭalāq).

Ertinya: "Dan barangsiapa berbakti kepada Allah nescaya

Allah adakan baginya tempat keluar dari kesusahan. Dan Ia

berikan rezeki kepadanya dari jalan yang tidak disangka-sangka".

Dan firman-Nya lagi:

*Wa man yattaqi Allāha yaj'al lahū min amrihī yusrā*

(4, al-Ṭalāq).

Ertinya: "Dan barangsiapa berbakti kepada Allah nescaya

dijadikan-Nya segala urusannya mudah."

Marilah kita turuti jalan bakti kepada Allah *Subhānahu*

*wa Ta'ālā*, supaya kita selamat menempuh segala macam

cubaan hidup.

Demikianlah sebagai buah daripada bakti kepada Allah. Buah

bakti itulah hendaknya kita jadikan dasar tuntutan

hidup kita. Maka dengan itu, mudah-mudahan Allah

selamatkan kita dari segala ujian. *Amīn Allāhumma*

*amīn*.

(Dari buah tangan *al-Ustādh* Muhammad 'Ali al-Ḥamīdī)



**Sudah Siap:**

### **PERSURATAN MELAYU III**

**\$7.00 sa-naskhah**

Penerbitan Qalam:

## **Pemberangsang....**

Telah bertebaran malapetaka

Kerana tangan manusia.....

Membuat neraka di alam semesta

Tempat insan mencari bahagia.

Hai manusia, di manakah keadilan pada bulan,

pada bintang

Lupakah kau daratan.....

Sedang kau dalam lautan.....

Penuh taufan penuh syaitan.

Kau lupa jalan lurus ciptaan Tuhan

Kau meraba dalam gelap-gelita tanpa panduan

Nisan kan berjejeran dua di tanah perkuburan

Bilakah lagi mau bangun dari impian.

Suara sunyi nanti turun kembali ke bumi

Kelam akan meliputi kembali suasana duniawi

Irama jiwa kau tanpa nada lagi

Sunyi sepi dari peri memimpi.

Kau tanyalah pada hati pada bumi

Kau tanyalah pada tanah pada diri

Agar kau mengerti.....

Agar kau kembali ke jalan suci

Tempat keadilan bersemadi

**– Zahari Awang**

Kota Bharu,

8.7.62